

2020-MUT UKIUMOORTUMIK NALUNAARUSIAQ



Inatsit tunngaviusussaq pillugu Isumalioqatigiissitat

Juuni 2021

Imarisai

Siulequt.....	3
Inatsit tunngaviusussaq pillugu Isumalioqatigiissitat ilisaritinnerat.....	4
Suliassat nukissallu sillimmatigisat.....	5
Allattoqarfik sulisullu.....	6
Aningaasaqarneq.....	7
Ataatsimiittarnerit.....	8
Innuttaasunik qaammarsaaneq.....	9
Naggasiutigalugit oqaateqaatit.....	10



Saamerlermit: Nivi Olsen, Daniel Thorleifsen, Aleqa Hammond, Ineqi Skourup Kielsen, Sara Olsvig, Kuupik V. Kleist, Rosanguaq Rossen aamma Pele Broberg.

Siulequt

Isumalioqatigiissitat ukioq 2020 sulingaatsiarsimaqaat, naak immaqa avataaniilluni suli sulianik pisortatigoortumik saqqumiivigineqarani takujumisaassinnaagaluartoq, Isumalioqatigiissitat Nunatta tunngaviusumik inatsisissaatut missiliuut siulleq inaarsarlugu paasiniaallutillu aqqissuisimaqaat. Naalakkersuisut suliakkiutaat piomasaaqatitaqarpoq missiliuut peqqissaarullugu tamakkiisumik atuarneqarsinnaalerpat, aammalu isumalioqatigiissitat naapeqatigiissutigisimalerpassuk aatsaat avammut tusarniutigineqarsinnaalissasoq.

Ukiup ingerlanerani siulittaasut taarsernerinik, ilaasortat nutaat toqqarneqarneritigut aammalu immikkut ilaasortaaitat ilasarnerisigut sulineq ingerlaavarnikuuvoq. Taamatuttaaq allattoqarfitta aqqissugaanera allannguuteqarsimavoq allaffeqarfitsinni pisortaasimasoq Johan Lund Olsen tunuarmat matumuuna sulilluarsimaneranut qujaffigaara. Taamatullu kingoraartaa inatsisileritooq Karen Kiær Jakobsen sulilluaqaaq, taannalu aamma qujaffigaara.

Sulinerput nalunaarummi uani naatsumik atuarsinnaavat, atuarluarisi.

Ineqi Skourup Kielsen

Isumalioqatigiissitat siulittaasuat



Inatsit tunngaviususaaq pillugu Isumalioqatigiissitat ilisaritinnerat

Inatsit tunngaviususaaq pillugu Isumalioqatigiissitat siulittaasuat Doris J. Jensen Naalakkersuisunut aamma Isumalioqatigiissitani ilaasortanut novembarip 25-ani 2019-imi nalunaaruteqarpoq Isumalioqatigiissitani siulittaasutut tunuarluni. Doris J. Jensenip tunuarneratigut siulittaasumik nutaamik toqqaasoqarnissaata tungaanut Isumalioqatigiissitani sulineq 2020-mi februaarip qaammataata aallartinnera ilanngullugu unitsikkallarnejarpoq.

Naalakkersuisut februaarip arferngani 2020-mi ataatsimiinnerminni Doris J. Jensenip Inatsit tunngaviususaaq pillugu Isumalioqatigiissitani siulittaasutut tunuarnera akueraat. Ilutigitillugu Siumup ilaasortaaitassatut innersuussaa, Ineqi Skourup Kielsen, Inatsit tunngaviususaaq pillugu Isumalioqatigiissitani siulittaasunngornissaa Naalakkersuisunit akuersissutigineqarpoq.


Atassut juunip 12-ani 2020-mi nalunaaruteqarpoq Inatsit tunngaviususaaq pillugu Isumalioqatigiissitani ilaasortaannermit tunuarluni. Taamaalilluni partiip ilaasortaaitaa Paninguaq M. Kruse ilaasortaajunnaarpoq.

Partii Naleraq sinnerlugu ilaasortaqaq, Per Rosing Petersen, Inatsit tunngaviususaaq pillugu Isumalioqatigiissitami juulimi ilaasortaajunnaarpoq. Taanna taarserlugu Pele Broberg septembarip qaammataani ilaasortanngorpoq.

Pele Brobergip ilaasortanngorneranut ilutigitillugu Inatsit tunngaviususaaq pillugu Isumalioqatigiissitani immikkut ilaasortaaitanik nutaanik marlunnik toqqaasoqarpoq. Toqqarneqartut tassaapput Sara Olsvig aamma Inuuteq Holm Olsen.

Demokraatit sinnerlugit ilaasortaqaq, Nivi Olsen, Inatsit tunngaviususaaq pillugu Isumalioqatigiissitani ilaasortaajunnaarluni decembarip aqqarngani nalunaaruteqarpoq. Jens-Erik Kirkegaard Nivi Olsenimut Demokraatinit taartitit ivertinneqarpoq.

Taamaalilluni Inatsit tunngaviususaaq pillugu Isumalioqatigiissitani 2020-p naanerani uku ilaasortaapput: Siulittaasooq Ineqi Skourup Kielsen (S), siulittaasup tullia Kuupik V. Kleist (IA), ilaasortat Jens-Erik Kirkegaard (D), Aleqa Hammond (NQ) aamma Pele Broberg (PN). Immikkut ilaasortaaitat: Daniel Thorleifsen, Inuuteq Holm Olsen, Lida Skifte Lennert, Mininguaq Kleist, Rosannguaq Rossen aamma Sara Olsvig.



Suliasat nukissatigullu sillimmatigisat

Isumalioqatigiissitat sulinerminni tunngavigaat suliakkiissutinut najoqqutassiaq Naalakkersuisunit maajimi 2020-mi nutarterneqartoq. Isumalioqatigiissitat suliakkiissutigineqartoq najoqqutaralugu Kalaallit Nunaat naalagaaffittut namminersulerpat atuutilertussamik inatsimmut tunngaviusussamut missiliummik suliaqarnertik 2020-mi nangillugu suliaarat.

Pingaarpordu aamma ilanngullugu eqqaassallugu tunngaviumik inatsilerinermi taaguutit oqaatsillu kalaallisut assigiinngissitaartumik atugaasernerat. Taamaattumik suliamut ilaavoq taaguutinik oqaatsinillu ineriartortitsinissap sulissutigineqarnera. Anguniarneqartunullu ilaavoq Kalaallit Nunaata naalagaaffiata inatsisaa tunngaviusoq atuutilerpat oqaatsit taaguutillu atornerqartut pisortatigoortumik akuerineqareersimassasut. Oqaasileriffik aamma Inatsit tunngaviususaaq pillugu Isumalioqatigiissitat tamanna pillugu suleqatigiinnissamik aggustip 14-ani 2020-mi isumaqatigiissuteqarput.

Isumalioqatigiissitanut pingaaruteqartorujussuuvuq erseqqissassallugu innuttaasut tamat oqartuussaaqataaernerat tunngavigalugu inatsimmik tunngaviusussamik suliaqarnissaaq, innuttaasut oqariatuutaannit kissaataannillu inatsit tunngaviususaaq aallaaveqassammat, aammalu inuiaqatigiit innuttaasullu Nunatta siunissaanut peqataatinneqarlutillu akuutinneqassammata.

Pingaartuuvuq qularnaassallugu inuiaat Kalaallit inatsimmik tunngaviumik tamatta ataatsimoorfigisinnaasatsinnik peqalernissaat, aammalu siunissami uagutsinnut attuumassuteqartutut, namminerlu pigisatut, misigisassatsinnik.



Saamerlermiit: Katti Frederiksen, Lisathe Møller (tunungasoq), Ineqi Kielsen aamma Karen Kiær Jakobsen.

Inatsisitigut kalaallisut oqaatsit taaguutillu nutserneqarnikuunngitsut arlaqarmata Oqaasileriffik aamma Inatsit tunngaviusussat pillugit Isumalioqatigiissitat allattoqarfiat angusaqarfiulluurtumik suleqatigiinnissamik isumaqatigiissuteqarlutik aggustip 14-ani 2020-mi ataatsimiipput.

Allattoqarfik sulisullu

Isumalioqatigiissitat sulinerminni allattoqarfimmit sullinneqarput. Allattoqarfimmit ikiorsiinermut ilaatigut ilaapput inatsisip tunngaviusussap missiliuusiorfigineqarnissaa, Isumalioqatigiissitanik siunnersuinissaq sullissinissarlu, ataatsimiinnissanik piareersaasarnissaq malitseqartitsinissarlu, kiisalu paasissutissiilluni suliaqartarnissaq.

Covid-19 pissutigalugu Nuuk marsip 17-ani matuneqarpoq. Isumalioqatigiissitallu allattoqarfianni sulisut marsip 17-anit aapriilip naanera ilanngullugu angerlarsimallutik sulisinneqarput.

Ukiup naalernerani sulisorineqartut tassaapput allattoqarfimmi pisortaq Karen Kiær Jakobsen, junip aallaqqaataani allattoqarfimmi pisortaatus atorfinittoq, immikkoortortami pisortaq Kirsten Fencker, paasissutissiisartuq Pauline L. Abelsen, AC fuldmægtigi Steen Jeppson, kontorfuldmægtigi Sussi Rasmussen, ilinniartutut ikiorti Arnaaraq Hansen.



Saamerlermit: Lise Hegelund Petersen, Pauline L. Abelsen, Karen Kiær Jakobsen, Arnaaraq Hansen aamma Sussi Rasmussen.

Aningaasaqarneq

Isumalioqatigiissitat ingerlassaannut allattoqarfimmullu aningaasaliussat 2020-mi aningaasanut inatsimmi ingerlatsinermut aningaasaliussaniipput (konto pingarneq 20.01.13).

2020-mut aningaasaliissutit katillugit 5.657.000 koruuniupput allattoqarfimmi akissarsianut aningaasartuutinullu allanut immikkoortinneqarsimallutik. "Aningaasartuutit allat" tassaanerupput ingerlatsinernut avammut sammisunut aningaasartuutissat.

Ukioq 2020 aningaasaliissutigineqartunit 542.000-nik koruuninik atuiffiuneruvoq. Nikingassummut pissutaasoq tassaavoq inatsit tunngaviususaaq pillugu innuttaasunut paasititsiniaanissamut aningaasartuutigineqarsimasut naatsorsuutigineqartunit annertunerusimanerat. Innuttaasunut paasititsiniaanissaaq pisariaqarsimavoq inatsit tunngaviusaaq suliarineqarnera inuiaqatigiinnit tunngavilerneqartussaammat. Aningaasat ukiut siulliini atorineqarsimanngitsut ilaannit 5,9 mio. koruunit aamma nuunneqarput innuttaasut sinerissami tusarniaasarnikkut aamma ataatsimiititsisarnikkut peqataatinneqarnissaat eqqarsaataammat.

Inatsit tunngaviususaaq pillugu Isumalioqatigiissitat atuuffissaata sivitsorneqarnissaa siulittaasoqarfimmit Naalakkersuisunut 2020-p naalernerani qinnutigineqarpoq. Naalakkersuisullu Inatsit tunngaviususaaq pillugu Isumalioqatigiissitat atuuffissaat ukiumik ataatsimik sivitsorlugu kingusinnerusukkut aalajangiussaqarput, taamaalilluni Inatsit tunngaviususaaq pillugu sulineq 2022-p naalernerani naammassineqartussatut naatsorsuutigineqalerpoq.



Ataatsimiittarnerit



Isumalioqatigiissitat Hotel Hans Egedemi maajip 14-ani 2020-mi ataatsimiittut.

Ineqi Skourup Kielsenip Inatsit tunngaviusussaq pillugu Isumalioqatigiissitani februaarip arferngani siulittaasunngoreernerata kingorna Isumalioqatigiissitat ukiup ingerlanerani sisamariarlutik ataatsimiipput.

Inatsit tunngaviusussaq pillugu Isumalioqatigiissitat:

14. maj 20. maj 18. juni 9. november

Isumalioqatigiissitat siulittaasoqarfiat:

Siulittaasoqarfik ataavartumik, agguaqatigiisillugu sapaatip akunnerinit marlukkaarlugit, ukioq 2020-p affaani kingullermi ataatsimiittarpoq. Ukiup affaani siullermi pisariaqartitsisoqartillugu ataatsimiittoqartarpoq, tamannalu siulittaasup nikinnerani ataatsimiittarnerit ikinneruneranut ersiutaavoq.

Suleqatigiissitat:

Inatsit tunngaviusussaq pillugu Isumalioqatigiissitat ataanni suleqatigiissitat pingasut ukiup ingerlanerani arlaleriarlutik ataatsimiittarput. Suleqatigiissitallu ullut ataatsimiiffigisarsimasaat ima nalunaarsorneqarsimapput:

Naalackersuisaatsit pillugit suleqatigiissitat:

22. maj 2. juni 5. juni 9. juni
15. september 29. september 6. oktober 15. oktober
16. november 23. november 1. december 15. december

Pisinnaatitaaffit pisussaaffillu pillugit suleqatigiissitat:

9. juni 10. juni 3. august 6. august
22. september 7. oktober 23. november

Nunanut allanut sillimaniarnermullu tunngasut pillugit suleqatigiissitat:

11. juni 27. juni 3. august 16. september
16. oktober 22. december

Inunnik qaammarsaaneq

Inatsit tunngaviusussaq pillugu Isumalioqatigiissitat allattoqarfiannit Isumalioqatigiissitani suliarineqartut pillugit inuiaqatigiinnut paasisitsiniaanissamut piareersaatit 2020-ip upernaavanit ingerlanneqalerput. Soorlu aamma Isumalioqatigiissitat imaluunniit suleqatigiissitat ataatsimiissimatillugit Facebookimi quppernikkut nittarsaanneqartalertut.

Inuiaqatigiinnut paasisitsiniaanissani assigiinngitsuni erinaq ilisarnaattissatut atorneqartartussaq aggstip qaammataani unammissutigittinneqarpoq. Unammissitsinermi ajugaavoq Hans Jukku Noahsen. Erinaq ilisarnaaterput nittartakkatsinni www.tunngavik.gl-imi aamma Facebookimi quppernitsinni tusarnaarsinnaavarsi: Tunngavik - Forfatningskommissionen <https://www.facebook.com/Forfatningskommissionen>.

Inatsimmik tunngaviusussamik sulineq pillugu aviisi KATU paasisutissiisoq nutaarsiassaqaqtitsivik Sermitsiaq.AG suleqatigalugu oktobarimi saqqummersinneqarpoq. Aviisi paasisutissiisoq nuna tamakkerlugu inoqtigiinnut tamanut agguanneqarpoq, tamannalu allattoqarfimmut angusaavoq kusanartoq.

Nittartakkakut aamma tv-kkut paasisitsiniutit meeqqanut inuusuttuaqqanullu naleqqussakkat oktobarip qaammataani immiunneqarput. Taakku arfiniliusut decembarip qaammataani piareerput, taakkualu maanngangaaq sulissutigineqarput nittartakkatsigut www.tunngavik.gl-imi saqqummersinneqarnissaat.

Kuupik V. Kleist aamma Nivi Olsen radiokkut aallakaatitassiami Itsineq-mi Ole Augo Markussen-imik apersoneqarlutik sulinerminnik nassuiaanerat oktobarip qaammataani aallakaatinneqarpoq. Taanna nittartakkatsigut www.tunngavik.gl-kkut ullumikkut aamma tusarnaarneqarsinnaavoq.

Siulittaasoqarfik novembarip aappaani ataatsimiinnermini innuttaasunut paasisitsiniaanissamut ingerlariaqqinnissamut aalajangiussaqaqarpoq.

Atuagaaraq quppersagaq 'Inatsit tunngaviusussaq pillugu sulineq - naatsumik oqaluttuaralugu' decembarimi saqqummerpoq. Taanna aamma Nunatsinni atuarfintut tamanut ukiakkut nassiunneqarpoq.

Nuummi innuttaasunut paasisitsiniaanerit siullersaat Nuuk Center-imi decembarip aqqarngani ingerlanneqarpoq. Atuagaarlu 'Inatsit tunngaviusussaq pillugu sulineq - naatsumik oqaluttuaralugu' pisortatigoortumik tassani saqqummersinneqarpoq. Paasisitsiniaanermi innuttaasut soqutiginnilluarput inuillu 306-it iPhone 12-mik eqquiniaasitsinermut peqataapput. Maya Christensen arfineq-pingasunik ukiulik iPhone 12-mik Nuummi eqquisuuvoq.



Maya Christensen iPhone 21-itaanilu

Inatsit tunngaviusussaq pillugu isumalioqatigiissitani ilaasortaq, Aleqa Hammond, Uummannami Atuarfik Edvard Krusemi sapaammi decembarip ulluisa 27-anni innuttaasunik paasisitsiniaavoq. Paasisitsiniaanermi tassani atuagaaraq peqataasunut agguanneqarpoq. Nuummi paasisitsiniaasoqarneratut iPhone 12 aamma eqquiniaatitsissutigineqarpoq. Uummannamilu Bibi Frederiksen eqquisuuvoq.

Naggasiutigalugit oqaatigerusutat

Naluneqanngitsut marsip 17-anni Nuuk Covid-19 pissutigalugu matuneqarpoq. Matoqqatinneqarlunilu apriliip naaneranut. Matoqqatinneqarnerani sulisut angerlarsimallutik sulisinneqarput.

Naggataatigut pissussamisoortippara 2020-mi Isumalioqatigiissitani atuuttuni ilaasortaasimasut matumuuna kinguliani taagorneqartut qamannga pisumik qujaffigissallugit: Kuupik V. Kleist, Aleqa Hammond, Pele Broberg, Daniel Thorleifsen, Sara Olsvig, Rosannguaq Rossen, Mininnguaq Kleist, Lida Skifte Lennert, Inuuteq Holm Olsen, Skuli Magnusson, Nivi Olsen, Paninnguaq Kruse, Per Rosing Petersen aamma Jens-Erik Kirkegaard.



Atuagaaraq 'Inatsit tunngaviususaq pillugu sulineq – naatsumik oqaluttuaralugu' decembarip qaammataani pisortatigoortumik Nuuk Centerimi saqummersinneqarmat.

Najugaqarfik:

Inatsit tunngaviususaq pillugu Isumalioqatigiissitat
Postboks 4034
Noorlernut 4, st.
DK-3900 Nuuk
Kalaallit Nunaat

Oqarasuaat: +299 34 66 70

E-mail: tunngavik@nanoq.gl
Nittartagaq: www.tunngavik.gl